

“Përpiqu të shenjtërosh emrin tënd”



Një ditë një vajzë shkoi tek ati i saj shpirtëror dhe i tha:- Ati im, jam e mërzitur. Pse kështu bija ime?-e pyet ati shpirtëror. Ajo përgjigjet :- Po ja se emri që kam nuk është një emër shenjtor. Prindërit kur më pagëzuan nuk më vendosën një emër shenjtor, por më thanë që do të festosh me Gjithë Shenjtorët.

Kjo është një festë e lëvizshme sepse është gjithmonë të dielën e tretë pas mbylljes së Pashkës. Atë ditë të gjithë harrojnë të më urojnë, sepse festojnë të gjithë. Përveç kësaj më pëlqen shumë që shoqet dhe shokët e m'i që mbajnë një emër shenjtor, kanë një shenjtor mbrojtës; lexojnë jetën e shenjtorit dhe e ndjekin atë, kanë një shembull konkret në jetën e tyre. Madje u janë falur dhe lipsaneve të shenjtorit të tyre. Ditën e emrin shkojnë në kishë, marrin pjesë në “Liturgji Hyjnore” dhe kanë gëzim të madh në zemër. Marrin dhe shumë urime nga miqtë dhe të afërmit. Dua dhe unë të kem një emër shenjtor ati im.

Ati iu përgjigj: Meqe paske një problem që nuk e zgjidhim dot, sepse nuk mund të pagëzohesh sërish, sepse pagëzimi bëhet vetëm një herë në jetën tonë, nuk të mbetet gjë tjetër vecse të “shenjtërosh emrin tënd”. E dashur bijë, të gjithë këtë bëjnë,përpiqen të shenjtërojnë emrin e tyre. Edhe ne që kemi emër shenjtor këtë

bëjmë, përpiqemi ta shenjtërojmë që të bashkohemi edhe ne me Perëndinë.

Nuk ke dëgjuar që kemi shumë shenjtorë më të njëjtin emër, por që zakonisht i dallojmë nga vendi ku janë martirizuar ose nga një epitë tjetër që mund t'i vendosin psh: Kemi Shën Joan Pagëzori që kremtohet në 7 Janar, por kemi dhe Shën Joan Theologu që kremtohet në 8 Maj. Kemi Shën Paisin e Madh që kremtohet në 19 qershor, kemi dhe Shën Pais Agjioriti që feston në 12 korrik. Kemi Ungjillor Lluca në 18 tetor, por kemi dhe Shën Llukain e Krimesë, mjekun, që feston në 11 qershor.

Pra çdo njeri duhet të jetojë sipas porosive të Krishtit dhe çdo njeri mban përgjegjësi për veten e tij pavarësisht nga emri që ka. Në çdo gjë që bën sill ndërmend : A është një sjellje që shenjtëron emrin tënd? Nëse jo, mos e bëj. Bëj gjithmonë të mirën që të çon drejt rrugës së shenjtërimit.

— facebook.com/MitropoliaFier